



Publicaziuns officialas dils 29-03-2019

Candidats proponi per elecziuns communalas (perioda d'uffeci 2019 – 2022)

Tenor art. 22 dalla lescha da votaziuns ed elecziuns ein las suandontas candidaturas vegnidas annunziadas entochen ils 15 da mars all'administraziun communal. La successiun dils nums se presenta cheu sut sco previda ella lescha tenor alfabet.

President communal	Candinas Armin, Rabius (veder)
Geraus	Bearth Giusep, Sumvitg (veder) Candinas Robert, Surrein (veder) Deplazes Ignaz, Surrein (veder) Duff Marcus, Cumpadials (veder)
Cumissiuun da quen e gestiun	Damiano Michele, Rabius (niev) Degonda Rafaela, Sumvitg (niev) Schnoz-Flury Manuela, Rabius (niev)
Cumissiuun da baghegiar	Forster Ulrich, Surrein (niev) Monn Erwin, Sumvitg (veder) Tuor Eduard, Rabius, (veder) Veckmans Sonia, Sumvitg (niev)

Sumvitg, 29-03-2019

Suprastonza communal

Vignettas da mopeds

La vignetta da mopeds 2019 sa vegnir retratga tier l'administraziun communal. La taxa unta **frs. 43.--**.

Sumvitg, 29-03-2019

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 29-03-2019

Departament stradal

Inoltraziun declaronza da taglia 2018

Tuttas personas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2019** per personas cun activitad da gudogn dependenta, scolars, students, pensiunai, disoccupai.
- **30 da settember 2019** per personas cun activitad da gudogn independent, societads semplas e personas domiciladas ordeifer il cantun cun interpresas el Grischun.
- **30 da settember 2019** per personas domiciladas ordeifer il cantun cun immobilias en vischnaunca (obligaziun limitada da pagar taglia).

Impurtont

Las declaraziuns da taglia 2018 ein d'inoltrar sco suonda:

Administraziun da taglia dil cantun Grischun
Verarbeitungszentrum 1/KO
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar sco suonda:

- online: www.stv.gr.ch
- per e-mail: fristgesuche@stv.gr.ch
- en scret: Administraziun da taglia dil cantun Grischun
Fristgesuche/KO
Steinbruchstrasse 18, 7001 Cuera
Telefon 081 257 34 93
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673-), num, prenum e vischnaunca da domicil.
- Ils termins concedi vegnan buca confirmai ed ein en general buca prolungabels. En cass singuls e motivai sa in ulterior termin excepziunalmein vegnir dumandaus.

Igl uffeci da taglia communal Sumvitg supplichescha da prender enconuschientscha da quellas midadas.

Ulteriuras informaziuns

Persunas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier igl uffeci da taglia communal.

Ils conjugals suttascrivan comunablamein la declaronza da taglia. Conjugals che vivan giuridicamein ed efectivamein en ina lètg nunseparada ein suttamein comunablamein alla taglia. Las entradas e la facultad vegnan summadas senza risguardar il stadi dils beins. Omisdus conjugals ein ella medema posiziun ella procedura e suttascrivan ensemen la declaronza da taglia. Sche la declaronza da taglia ei vegnida suttascretta sulettamein d'in conjugal, vegn la suttascripziun che maunca aunc pretendida.

Davart ulteriuras damondas stat igl uffeci da taglia communal a disposiziun.

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 26 d'avrel 2019 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regiunala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electricch cun e senza ieli e.a.v.),
- mobiliar movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ein pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzers da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ein pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzers da rodas, aissa-rulletta e.a.v.),
- blachas da ballas da silo (verdadas ed alvas),
- curdems da baghetg (linoleums, izolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras la scolas resp. las uniuns.

Ils suandonts rumians vegnan rimnai cun ils rumians jamnils e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directives en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Lenna da brisch 2019

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu 55.00 frs/m³

Lenna da feglia

(mischedau, senza fau) 70.00 frs/m³

Il quantum da lenna da feglia (ogna e fraissen) e limitaues e vegn partius si tenor las annunzias. Ils prezis secapeschan excl. taglia sin plivaleta. Cundiziuns da pagament ein 30 dis net. Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: uffeci.forestal@sumvitg.ch, ni per telefon (081 920 25 06). Las empustaziuns ston succeder entochen sil pli tard venderdis, ils **5 d'avrel 2019**.

Bien engraziament per Vossa empustaziun!

Sumvitg, 29-03-2019

Il selvicultur da revier Flurin Cathomas

Uras d'avertura deponia da verd Igniu

Per saver ademplir las determinaziuns surordinadas pertuccont il scamond da pover las selvaschinas e per megliurar igl uorden dalla deponia da verd ha la vischnaunca eregiu boxas per la dismissa da curdem verd a Rabius-Igniu. Da niev dat ei uras d'avertura ed in concept da survigilanza per la deponia verda. La deponia ei aviarta naven dils 30 da mars 2019 sco suonda:

- mardis: 17.00 – 20.00 uras
- gievgia: 17.00 – 20.00 uras
- sonda: 09.00 – 12.00 uras

Il suandont ei lubiu da dismetter:

Deponia da caglias

- caglias e roma cun diameter sur 4 cm
- bests da plontas
- pignola senza material jester

Deponia da verd

- roma, dascha e caglias cun diameter entochen 4 cm
- fluras
- tagl da pastget e prau
- fein e strom
- feglia, zerclem e puma curdada
- fluras da balcun e da ruogs cun tratsch, denton senza ruog
- curdems da preparar fretgs, puma e legums
- cordas e sacs cumpostibels
- scorsa
- resgem e stialas da lenna buca tractada
- crosas d'ovs
- fundagl da caffè e jarvas da te

Ulteriuras informaziuns ein disponiblas sin la pagina d'internet www.sumvitg.ch. Nus supplichein per enconuschientscha e capientscha.

Sumvitg, 29-03-2019

Departament ambient

Annunzia scoletta per igl onn da scola 2019/20

Il scriver cul talun d'annunzia obtegnan ils geniturs dils affons dall'annada 2014 ils proxims dis. Ils affons dall'annada 2013 che han gia frequentau in onn scoletta valan sco annunziai. En cass che Vus retscheveis negin scriver ni che Vus haveis ulteriuras damondas astgeis bugen contactar nus durant las uras da spurtegl (**gliendisdis e venderdis 8.00–11.00**) sut 081 936 33 04.

*Consorzi da scola Sumvitg-Trun
Administraziun*

Pleiv Sumvitg

Preavis

Preziadas parochianas e stimai parochians, il cussegl pastoral e sur Saji organischeschan in viadi da peleginadi tier Fra Clau da Flia. Quel ha liug la sonda, ils **25 da matg 2019**. Detagls cun pusseivladad da s'annunziar vegnan publicai il proxim temps. Tut tgi che ha plascher da separticipar, astga reservar il datum gia uss. Cun amicabels salids *il cussegl pastoral e sur Saji*

Scola da musica Surselva

Parcours d'instruments

La Scola da musica Surselva organischescha per tut quels che han grev da sedecider ed era per tuts che han marveglias in parcours d'instruments. Dapli informaziuns sut: www.bzs-surselva.ch

Tastas ni trumbetta? Cordas ni cantadas? Saxofon ni xylofon? Tgei plai a ti?

Neu ed emprova! Sonda ils 13 d'avrel 2019 dallas 10:00-12:00 en casa da scola a Mustér

10:00 beinvegni ella halla Cons, suenter cuort concert cul Brassorama

Musikschule Surselva

Instrumentenparcours

Die Musikschule Surselva organisiert für alle Unentschlossenen und Neugierigen ein Instrumentenparcours. Instrumentenparcours. Weitere Informationen unter: www.bzs-surselva.ch

Tasten? Trommel? oder Saiten? Singen? Saxophon? Welches Instrument passt zu dir?

Komm und probiere! Samstag, 13. April 2019 von 10:00-12:00 Uhr im Schulhaus Disentis

10:00 Uhr Begrüssung in der Halla Cons, danach kurzes Konzert mit dem Brassorama.